

MIZORAM STATE HEALTH CARE SCHEME

2022-2023

Mizoram-ah Health Care Scheme chi hnih a awm a, chungte chu:

- 1. Ayushman Bharat Pradhan Mantri Jan Arogya Yojana (AB-PMJAY)-** Central Scheme, Golden Card hmanga ₹5,00,000/- thleng bill theihna.
- 2. Mizoram State Health Care Scheme (MSHCS)-** Mizoram Sawrkar Scheme, ₹2,00,000/- thleng **admit ngai natna tam ber** leh **OPD-a** inenkawlna thenkhat bill theihna.

I AYUSHMAN BHARAT – PRADHAN MANTRI JAN AROGYA YOJANA (AB-PMJAY)

Sawrkar laipui Ministry of Health & Family Welfare hnuaiia Scheme a ni a. Mizoramah chuan Mizoram State Health Care Society, Department of Health & Family Welfare in a kengkawh. He Scheme ah hian chhungkaw pakhatin kum khatah ₹5,00,000/- thleng damdawiina inenkawlna senso bill theih tura ruahman a ni.

- 1. AB-PMJAY** hmang thei tute (Sawrkar laipui phal chin) :
 - Rural Development Ministry hnuaiia SECC (Socio Economic Caste Census) 2011 'Deprived List' a tel chhungkuate (khawsak harsa leh hnuaihning).
 - 2018 a RSBY (Rashtriya Swasthya Bima Yojana) hnuaiia thlala a Smart Card neite.
- 2. AB-PMJAY** hamthatnain a ken telte :
 - Kum khat chhungin damdawiina inenkawlna ₹5,00,000/- thleng an hmang thei.
 - ₹5,00,000/- hman theih han tih hian vawikhata hman zawh nghal vek a kawk lova, tum khat inenkawlna atan enkawlna rate bithliah (package rate) aia tam a hman theih chuang loh a ni.

- iii. Damdawiina inenkawl hian pawisa pek nghal ngai lova inenkawl theih a ni a (cashless), zin veivahna (transportation) erawh a huam lo.
- iv. He Scheme a inziaklutte chuan India ram puma Sawrkar damdawiin leh he Scheme-a tel duh Sawrkarin a pawm Private damdawiinah an inenkawl thei.
- v. He scheme hmang turte chuan Golden Card an neih a ngai a, Golden Card hi Sawrkar damdawiin-ah a siam theih reng a, damdawiina admit dawn pawhin a tlachawpin a siam theih.

II MIZORAM STATE HEALTH CARE SCHEME (MSHCS)

April ni 1, 2022 atangin 2022-2023 policy hman tan a ni leh dawn a; Ration Card mila in ziahluh tur niin, Ration Card nei lo tan pawh a in ziahluh theih ang. Sawrkar hnathawk leh sawrkar hnathawkin a chenpui sawrkara a bill sak theihte inziahluh phal a ni lo. Sawrkara MR bill theilo zawng zawngte chuan Health Care hamthatna an hmang tangkai thei ang.

MSHCS hnuai a inziaklutte hian damdawiina an inenkawl na senso chungkaw khatin kum khat atan ₹2,00,000/- thleng an bill thei ang.

Mizoram chung bakah phai lama inenkawl na te pawh a huam tel a, enkawl na senso bill theih tur chu Mizoram Sawrkar bithliah 'Notified Rate' ang a ni ang.

Kal man senso pawh damlo tan chauh Scheme hnuai a a bill theih ang. Kal man bill tur chuan ticket theih a ngai ang. (Thlawhnaa kalte tan Boarding pass theih tel tur a ni ang).

MSHCS a inziaklut (register, enroll) te chuan mahni veng/khuua Sub-Centre ah inziahluh hun hawn chung a inziahluh tur a ni. Inziahluhnaa mawhpurtute chu Health Worker te an ni a, Health Worker indaihlohna leh awm lohna hmunah ASHA ten an pui ang.

Inziahluh hun hi February ni 16, 2022 atanga May ni 16, 2022 thleng hawn a ni ang. Hemi hun chung a inziaklutlote chu a hnuah inziahluh theih a ni tawh lovang.



Inziahluhna man bithliah zat (Ration Card milin)

- | | | |
|---------------------------------|---|----------|
| 1. AAY (Card eng) nei tan | : | ₹ 200/- |
| 2. PHH (Card pawl) nei tan | : | ₹1,000/- |
| 3. Non-NFSA (Card var) nei tan: | : | ₹2,000/- |
| 4. Ration Card nei lo tan | : | ₹2,000/- |

• *Chhungkaw member zat bituk a awm lo.*

III MIZORAM STATE HEALTH CARE SCHEME 2022-23 leh AB-PMJAY hnuaiia admit kher ngailo OPD-a enkawl theih te

1. **Hepatitis B & C** - Sawrkar damdawiin-ah chauh
2. **Dialysis** - kal ṭhuah
3. **Parenteral Chemotherapy for cancer and other chronic disease eg. Rheumatoid arthritis for rituximab infusion etc.** - cancer leh natna benvawn dang (eg. Rheumatoid arthritis rituximab infusion mamawh) chemotherapy etc. khai ngai
4. **Refractive Eye Surgery** - mit fiahlo laser hmanga zai ngai (-4.5 chin chunglam)
5. **Laser Therapy for Diabetic Retinopathy** - Zunthlum vanga khawhmuh fiahlo zai ngai
6. **Hemifacial Spasm/ Blepharospasm/ Cervical Dystonia requiring Therapeutic Botox injection** - Hmai sawi, mit tha chaklo chiu ngai
7. **Connective Tissue Diseases** eg. SLE, DLE
8. **Lithotripsy** - Kala lung chhut sawm

9. **Treatment follow-up (monitoring) of cancer, organ transplant, post head injury (post operative only), PPI** - Cancer, Organ transplant, lu a hliam tuar thluak zai, PPI (*Permanent Pacemaker vuah*) in checkup-na leh enkawlna
10. **Laparoscopic Therapeutic Surgeries** - Zailoa inverh (*Sawrkar damdawiin-ah chauh*)
11. **Central Line Insertion** - Central line dah
12. **Chronic Heart Failure** - Lung hnathawk tawhlo benvawn
13. **Coronary Artery Disease** - Lung thisen zam natna
14. **Pulmonary Hypertension** - Chuap pressure sang
15. **Herniotomy under GA** - Hnimhlum hmanga piantirh aṭanga tilmu puar zai
16. **Chronic Anal Fissure under GA** - Hnimhlum hmanga pile pilh zai
17. **Circumcision under GA** - Hnimhlum hmanga natna vanga serh tan
18. **Diagnostic laparoscopic examination** - Zirchian nana zai lova verh
19. **Thalassemia and other haematological disorders requiring repeated transfusions/treatment** - thisen cancer nilo thisen lam natna
20. **OME for Grommet Insertion under GA** - Hnimhlum hmanga bengkherh tui tling siak chhuah
21. **Myringoplasty (adults LA)** - Kahhitna hmanga bengdar pawp thawm
22. **Surgery for Cataract, Squint (Adults only), Glaucoma** - Mit naute paw, mit kalh, mit pressure sang zai
23. **Laser procedure for Glaucoma and posterior capsular opacity** - Laser hmanga mit pressure sang leh mit naute langtlanglo zai
24. **Continuous Ambulatory Peritoneal Dialysis (CAPD)** - In lama kal ṭhuahna tur pipe dah (*Sawrkar damdawiin-ah chauh*)
25. **Arteriovenous(AV) Fistula** - Kal ṭhuah nana thisen zam zawm (*Sawrkar damdawiin-ah chauh*)
26. BPL zunthlum vei Insulin inchiuna mamawh

IV MSHCS leh AB-PMJAY hian heng a hnuai a inenkawlna tarlante hi a huam lovang

1. Admit ngailo natna/Inentirna (OPD hnuai a bill theih natna tarlan huam lovin).
2. Natna kaihhnawih nilo senso.
3. Inhlam vang nilo pianhmang mawina tur atana plastic surgery emaw enkawlna.
4. Ka chung zai ngai lova ha enkawlna (ha phawi, ha tih var, brace vuah etc.).
5. Natna avang niloa serh tan.
6. Nunphung tibualo pianpui natna.
7. Vaccine lak, tarmit senso.
8. Mipat-hmeichhiat thlakna senso.
9. Mahni intihnat senso (intentional self-injury/suicide).
10. Nikhaw hrelo khumbet rei tawh (persistent vegetative state).

V HRIATTUR PAWIMAWH DANGTE

1. **Damdawin awm hma/chhuah hnu a bill theih chin (MSHCS):** Doctor certify-in admit hma (pre-admission) investigation (thisen test-na, X-ray etc.) senso bakah chhuah hnu ni 10 thleng (organ transplant tan ni 30 thleng) damdawi man a bill theih a. Damdawin luh hmaa damdawi leina senso erawh a huam lo.
2. **Phaia refer chungchang (MSHCS leh AB-PMJAY):** Civil Hospital, Aizawl & Lunglei-a Medical Referral Board atanga phalna lak hnuah Health Care Office, Dinthar-ah refer lehkha pek an ni ang.
3. **Health Care hnuai a bill theih huna thil tel tur documents te:** Enrollment form xerox copy, Ration Card leh chhungkaw hotu ber Voter ID xerox copy, Bank Passbook xerox copy, Original discharge card, doctor prescriptions, cash memo, investigation reports, death summary/birth certificate (thi leh nau piang bikah), Health Care refer lehkha (phaia refer te tan) thil tel tur.
4. **Mizoramah chuan Sawrkar leh Private damdawin zawng zawngah MSHCS hi hman theih a ni.**

5. **Chhungkaw khata inziaklutte hi an Ration Card nen a inmil tur a ni a.** Nau piang/mo thar etc. erawh chu a tichiangtu atan Birth/Marriage Certificate hman tur a ni ang.

VI AB-PMJAY GOLDEN CARD LEH MIZORAM STATE HEALTH CARE SCHEME

1. **Kum 2018 RSBY** (Rashtriya Swasthya Bima Yojana) Smart card leh PM (Prime Minister) Letter hmanga Golden Card nei ten (SECC 2011 'Deprived List' a awm te - chhungkaw harsa leh hnuaihning) an Golden Card hi kum 2019-2021 thleng an hmang chhonzawm thei ang a (a thara siam emaw renew a ngai lovang), Golden Card la siam lo te pawhin an siam chhonzawm thei ang.
2. **SECC/RSBY hmanga AB-PMJAY Scheme** hamthatna dawng thei te pawhin MSHCS hnuaiah 1.04.2022 – 31.03.2023 policy chung atan an in register (enroll) thei.
3. **AB-PMJAY (Golden Card) hman theihlohna damdawiin** leh AB-PMJAY in a huam tel loh natnate chu MSHCS hmangin a bill theih a ni.



Issued by:
**Mizoram State Health Care Society,
-cum-
State Health Agency AB PM-JAY, Mizoram
Department of Health & Family Welfare,
Dinthar Aizawl - 796001**

Contact:
**14555 (Toll Free)
8794444407
9366588506**